


مکتبہ دارالکتاب

ادبی و سیاسی رساله اسبوعیه در

۳۰ نجی سنه



۱۹ جمادی الاولی ۱۳۲۹

پنجشنبه

جزء عدد : ۹۶

بوفته ، برهفته سیاسی نامیلہ یاد اولنسه سزادر .
مملکتک حالی هیچ یوقدن اوقدر حوادث تولیدینه مساعدکە ، ممکن اولسه هرثانیۂ شبانروزم
برحادثۂ غریبیه مهتد ظهور اوله بقدر .

اورتهده نه وار ؟ کیمه سؤال ایدیله جک اولسه آنه حق جواب ، قناعت بخش اولقی
دکل ، بالعکس تزیید ظنونه خدمت ایدر . چونکه هر نه دوران ایدیورسه صرف اضافات
احلامدن متولد برطاقم خواطر وهیه در .

اک مهم مسئله لر فرقه اختلافی ، آنک انتاج ایتسنه شدتله انتظار ایدیلان حال بحران
وکلا ، مدت اجتماعک ایکی آئی دهاتمدیدی حقنده امضائانان تقریرک موجب اولدینی گفتگولر
و بو گفتگولری شاخ و برک و بر مرک بر دوحۂ بلا شکنده ارائه ایدن غزته لک نشریانی !

تقریر ، شو سطرلری یازدیغیز دقیقهیه (دونکی کون اوکلەدن صکرهیه) قدر ۱۳۵
مبعوث طرفندن امضا ایدلمش ایدی .

حال بوکه تقریره وضع امضا ایدنلردن بعضیسنک طلب نمیددن نکول ابتدکی وحی ایکی
اوج ذاتک امضالریخی یالادقلری شایع اولمشدر .

عجبا امضالریخی قالدیران ذاتلر ، اولجه امضالریخی الحای هوسله می وضع ایتشلر ایدی که
مؤخرأ دیگر برهوس ویا آنک خلافت اولان بعض ملتس امضالریخی قالدیرمغه علت اولمش !
اطفاله بیله حجاب آور اولان بوکئی ثباتسزقلرک مبعوثان آره سنده کورلمی شایان
استغراب اولقله برابر اصحابک ماهیت فکریه و اخلاقه لرنبجه معیار عد اولمغه سزاواردر .

بعض غزته لر بو تقریری یکیدن بر بحران وکلا احداثه علت اوله رقی کوسترمکده درلر .
بورشایه کاذبه دن عبارتدر . مجلسک تمدیدی مسئله سی وکلا به نهدن خدشهرس افکار اولیور ؟
روم ایلنه وقوع بوله حق سیاحت هایونده صدر اعظمک رکاب شاهانه ده بولنسی و جریبه و بحریه
ناظرلرینک حسب الوظفه اوزمره قائلمی مجلسک دوامی تعلیل ایده جک خصوصاً تمدیدر ؟
بزه قالیرسه بو صرف اثر مکابره در . یعنی هیئت وکلانک مبعوثانه قارشی برنایشندن
عبارتدر .

برطاقم مبعوثان ، قانون اساسینک ویردیکی برصلاحیتی ، مملکتک نفعنه اولقی اوزره استعمال
ایتک ایتشلر و بناء علیه براکثریت مطلقه ایلله مدت اجتماعیه نک ایکی ماه تمدیدی طلبنده
بولنشلردر . (تحریری) قیدیه مشروط اولان بوطلی ذات پادشاهینک رد ایتسنه نهدن
لزم کوستریلور بیلنه من .

بر غزته نك بومسئله ده كی ذهابی خطا آلوددر . آنك رأیجه : تعدید مدت تكلیفنه اوڭ
آباق اولقی ، افكار عمومیه نظرندہ اکثریت فرقه سنه تحمیل مشولیت ایتك فكرندن منبعثدر .
بونك ظن اولندیکی کي اولدیفته تقریرده کی ۱۳۵ امضانك اڭ باشنده اکثریت فرقه سی
اجله ارکاندن اولان بر ذاتك اسمنی برهان اوله رق اقامه ایدرز . باخصوص ارکان فرقه دن
دها برچوق اعضا بو تقریره اشتراك ایتشدر . بناء علیه صرف حسن نیت ومقصده مستند
اولان بو طلیک بشقه برشکده کوسترلسیله ماهیتی دخی دکشدر مسنه امکان یوقدر .
هر حالده مجلسك ، طلب واقعی قبول ایتدیره جکندن امیدلر برکالدر . چونکه مقصد غایت
مهم اولان ولایت قانونینك تدقیق ومذاکره سیله امور ملکیه نك تمشیت وانتظامنی تأمین
ایده جك وسایلی استحضادر .

*

براز زماندن یری غزته لرجه سرمایة مقال ، اولان حفر صخره الله شایعه سی دخی
مجلسی برقاچ ساعت اشغال ایشلدر . بوشایعه برروایت مختصره دن عبارتدر . چونکه بثرالارواح
دینلان محل صخره نك آلتدہ کی مزین اوله رق ، اوراسی ، ایدی ، بنی اسرائیلده بولندیکی ،
یعنی دولت اسرائیلیه بردوام اولدیکی زمانلرده قربانلر اوراده کسلیلر وجسدلری صخره نك
اوستنه وضع ایله احراق ایدیلیر ایدی . بوضوئله ارافه اولنان قانلرله یاقیلان حسدلردن آقان
یاغلر مزینجه دوکیلیر وتحت التراب یابلیش اولان قنالردن جریان ایدوب کیدردی .
ایشته هیئت متحریه بو قنالره کیرمش . وقط آزادینی هر نه ایسه بالطبع بوله مامشدر .
چونکه (تابوت سکینه) اطلاق اولنان (صندوق توارت) ك قان آقغه مخصوص اولان
بر محله حفظ ایدلش اولسنه احتمال وبریله میز . ایشك سقیم اولان جهتی مزینجه نزول ایله
تخریامك کیجه وصورت خفیه ده اجرا ایدلش اولسی در . ذاتاً هر درلو سوء ظنلری تولید ایدن
حالر بوکی نهانی اولان افمالدر .
متصرفك بوکا رأی منضم اولدیغندن بحث ایدیلور . بقالم تحقیقه مأور اولان هیئتك
نایجه تحقیقاتی نه شکل حاصل ایده جکدر .

*

جمعیت مرکزیه طرفندن فرقه نك ، حزب قدیم وجدید کی تفرقه فرما فاملرله یاد ایدلسندن
تحدیری ناطقی بر اخطار نامه نشر اولمشدر .
بزه قالیرسه بوکی تفرقه افاده ایدن عنوانلرک دکل ، روح فرقه دن آتی ایجاب ایدن
مؤثرانك رفعتنه چالیشیلیدر . او ایسه شمیدیکی حالده محالدر . چونکه ائتلاف واقعه اثر
صمیمیت حس ایدیله مامکده در .

